

COMMUNICAZIUN A LAS MEDIAS

Poschiavo, ils 2 da zercladur 2026

Hans-Peter Zehnder daventa nov commember da la direcziun da Repower

Il cussegl d'administraziun da la Repower AG ha tschernì Hans-Peter Zehnder sco nov manader dal sector Producciun & Rait ed uschia era sco commember da la direcziun. El suonda a Michael Roth che surpiglia per il 1. da zercladur 2026 la funcziun da CEO da Repower.

Hans-Peter Zehnder (58) ha rimnà blers onns experientscha da manar en il sector da la forza idraulica e dal provediment d'electricidad. Dapi il 2015 ha el lavurà per l'Axpo Power AG sco manader da l'unitad da fatschenta Producciun idraulica ed il davos sco commember directiv e vicemanader da la divisiun Idroenergia & Biomassa. En questa funcziun è el stà responsabel per radund 60 centralas electricas en il Grischun ed en las ulteriuras regiuns da la Svizra.

Hans-Peter Zehnder è inschigner da maschinas diplomà SAS ed ha in Executive MBA en economia da manaschi e management da la Scola auta turitgaisa Winterthur. El dispona d'ina vasta experientscha en il sector dal mantegniment d'ovras idraulicas ed en il svilup strategic da portfolios d'ovras electricas. Hans-Peter Zehnder cumenza sia nova funcziun tar Repower il pli tard per il 1. da december 2026. Ses lieu da lavur vegn ad esser a Glion.

Contact

Stefan Bisculm

manader post da medias

t +41 81 423 7700

m +41 79 372 7776

stefan.bisculm@repower.com

Quai è Repower

L'interpresa Repower è dapi 120 onns activa sco producenta d'electricidad, manadra da la rait da distribuziun e commerzianta d'energia. Ses martgads-clav èn la Svizra e l'Italia. La sedia principala sa chatta a Poschiavo. Ulteriuras filialas ha ella a Bever, Glion, Grono, Küblis, Landquart, Turitg e Milaun. Repower è activa lung l'entira chadaina da valorisaziun da l'electricidad, da la producziun sur il commerzi fin a la distribuziun e la vendita, ed er en la fatschenta da gas. Repower è la pli gronda interpresa da provediment d'energia en il chantun Grischun, nua ch'ella posseda e gestiunescha pliras ovras idraulicas. En l'Italia è Repower ina da las pli grondas furnituras d'electricidad e da gas per interpresas. Il portfolio da l'interpresa en l'Italia cumpiglia plirs parcs da vent e parcs solars ed in'ovra electrica cumbinada cun gas. Mantegnair ed amplifitgar las energias regenerablas è ina part integrala da la strategia da Repower. Quai vala era per il svilup persistent da l'interpresa en ils secturs economia, societad ed ambient.